



DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
*manè discutienda, in Scholis Medicorum, die Jovis decimo - octavo
mensis Martii, anno Domini M. DCC. LI.*

M. PETRO MACQUER, Regiæ Scientiarum
Academiæ Socio, Doctore Medico, Præsîde.

An, sumi potius quàm temporibus, in assumendo victu, parendum?

I.



EMPERANTIAM in victu commendant Medici omnes:
Eligi prudenter alimenta jubent. Quæ magis sana judicantur,
& simplicius apparari queunt, cæteris omisiss, adhiberi volunt.
Silent plerique de temporibus quibus cibis uti conveniat. Verùm
istud nonnè ad *hygienem* pertinet, ad eam videlicet Medicinæ
partem, quæ, quomodo sanitas conservetur, edocet? Quare igi-
tur celeberrimis doctrinâ viris de hoc ipso tacere placuit? Legem forsitan im-

A

ponere noluerunt, quam satis natura præscripsit. Sed naturæ, in omnibus, quam parùm obtemperatur! Imò, non desuere, qui se meliùs ipsi consulturos arbitrarentur, si eamdem ratiociniis suis conarentur astringere. Observatum ab illis fuerat, quibusdam nocere, quòd statutis temporibus alimenta non assumerentur. Indè universis protinùs imperatum, ut, indictâ horâ, victum peterent, nullâ desiderii ciborum, aut ventriculi etiâ habitâ ratione. Scilicet illi, cùm talia fancirent, minimè considerabant non æquè validas esse cujuslibet stomachi fibras, nec eamdem inditam fuisse liquoribus digestionis inservientibus vim & energiam. Cavendum itaque, si credatur illorum consilio, nè nova præposterè ingerantur, vel priùs quàm egesta fuerint quæ jam immissa sunt, vel longiori, post egestionem, intervallo. Quot indè prave succorum elaborationes, quæ corpus lædant & sanitatem! Quid igitur agendum ut hæc omnia non accidant? Quotidiana nos undique circumveniunt exempla, quibus, si libuerit, prudentiores effici poterimus. Brutorum universam inspiciamus turbam; nec ipsis conferri pudeat homines, cùm utrique, similibus ferè organis donati, sensationibus indè similibus afficiant. Hæc porò lex animalibus, & *sensitiva* quasi sapientia est famem expectare. Necessitati tamen ab illis nimium indulgeri quandoque, negare non auisim. At bruta, pravis digestionibus laborare rariùs deprehenduntur. Quin etiam ex iis plura passum vix dentibus tritum asservant secretis quibusdam membranis involutum, quem deindè, cùm esuriunt, in os revocant, ibique novo labori subijciunt. Quis proindè fami potiùs, in assumendo victu, quàm temporibus esse consulendum neget, si sit illa legitimum debitæ reparationis indicium; si optimam tùm adesse demonstrat organorum dispositionem, perfectioremque indè prælagiat alimentorum digestionem?

I I.

SENSATIONEM, quâ monemur corpus refici indigere, famem vocari nemo nescit. Renascentem hunc ciborum appetitum, quidam, pro naturæ servitio, alii, pro voluptate habent. Apud Medicos ille, nihil aliud est, quàm nervearum ventriculi fibrarum à gastrico liquore, & aliis, excitata vellicatio. Hæc, jejuno stomacho, eoque ferè vacuo, aut saltem liberiore, ut plurimum existit. Hinc certissimum elicitur argumentum legitimam ab illâ designari nutritionis necessitatem, cui tunc demùm obtemperari liceat. Naturalis dicitur appetitus; cùm, assumptis prudenter alimentis, sedatur; morbus autem, si vorax desiderium explere nequeant copiosiores cibi, vel etiam solidiores. Cur illa exoriatùr irritatio, quæ probam indicat famem, satis declarant ipsiusmet ventriculi fabrica, humorisque in hujus cavum depluentis natura & indoles. Liquor hic, etsi unicus vulgò creditur, duplex tamen est, & ex duplici scaturit origine. Alius, ut Boerhaavius asserit per exilissimos canales, a *gastricis arteriis* secretur. *Tenuis est, pellucidus, spumosus, spiritibus dives, salsus leniter, in esurie diù toleratâ aciores* concipit aculeos. Huic ce miscetur alter in sinu plurimarum glandularum elaboratus collectusque. Per diversa illarum emissaria expressus, ventriculi quasi guttatim irrorat cavitatem. Locorum, in quibus conficitur, structura prodit cur iste *lentior sit & viscosus*. Ex utroque fit liquor, gastricum appellant, qui mixtis utriusque dotibus commendatur. Has ille servat, quandiu perfecta viget sanitas. Idem, nerveas stomachi fibras stimulare non cessaret, donec totus exhauriretur, nisi istud præcaverent alimenta, quæ identidem assumuntur. Tùm enim in ea conversam vim omnem exercit & efficaciam. Eadem impigrè aggreditur, donec ventriculum jam subacta deseruerint. Ex salibus, quæ secum habet, atque spiritibus, vim illam accipit & energiam, quâ cibis insinuat intimiùs, illorum partes generosiùs penetret, tenuioresque sensim efficiat ac leviores. Interea fibras minus ab ipso pungi nè miremur. Impedita natu-

que in universâ *ingestorum* mole succi hujas acies hebescit, & sese vix expedire potest. Hinc sanè depromitur, cur, pleno ventriculo, nulla jam percipiatur irritatio, famelique omnis pereat, & cur, eodem fermè vacuo, debeat rursus exurgere. Detrusis scilicet in duodenum, sub nomine & formâ chyli, cibis, gastricus qui superest liquor non idè quiescit. Ventriculi peristalticum solus patitur motum, hujusque jugi beneficio perfectiùs elaboratur. Spirituosâ autem ipsius partes evolutæ magis & expansæ, quaquaversum ferri minimè desinunt. Iis tunc excurrere velociùs, nerveosque fibrarum tractus vividius impetere conceditur. Novam ergò necesse est exoriri sensationem, quæ jam liberiozem esse stomachum, & in illum, quod naturæ negari non debet, tunc immitti posse demonstrat.

III.

VENTRICULUM jure ac meritò famis organum appellaveris. In illo namquè excitatur, & quasi residet ista sensatio. Hujus organi stimulus haberi debet in illud perpetuo rore extillans gastricus liquor, cæterique digestionibus inservientes. Isti assignantur, saliva ex ore, expressus ex faucibus & œsophago mucus quidam, bilis utraque, pancreaticusque succus. Iis socium se præbet aer, & certè non inefficacem. Singuli, pro viribus ac principiis, quibus pollent, agunt. Ut illam subeant alimenta mutationem, quæ digestio est, statutæ requiruntur stomachi, & horumque liquorum conditiones: quænam esse debeant, ex cognitâ illius structurâ fiet perspicuum. Ventriculum etenim, tunicam hic vasculosam omitimus & villosam, musculosis nerveisque fibris instructum esse quis nescit? Hæ sensum ipsi communicant, illæ robor & elaterium, Carnosæ omnes non eundem affectant tractum & ordinem. Rectiori quædam tramite per totam longitudinem excurrere amant. Has obliquæ secant aliæ; plurimæ demùm orbiculares universum amplectuntur cavum, continuæque *spirales* referunt circulis. Densiores istæ & validiores os utrumque cingere observantur. Hujus artificii ratio est, ut in omnem sensum coarctari ventriculus queat, assumpta verò teri efficacius, & misceri, tritaque hinc & inde versari. Sed istud muneris quo tempore feliciter absolvitur? Nonnè, dum elatior vigeat fibrarum tonus & elasticitas, solemnesque motus poterunt firmius exerceri. At desiderata quandonàm pro votis occurret dispositio? Nonnè, ubi gratus rediit famis aculeus? Tunc enim, quod primum est, pleno minùs stomacho, liberior evadit ipsius actio, simul & potentior. 2°. Addit insuper stimulos subtilior & expeditior factus aer, suâque vi parietes sollicitare pariter, ac cibos dividere paratus. 3°. Defessas præteritæ digestionis labore fibras rursus erigi *fames* admonet, eademque recentî nutritionis beneficio recreatas, alacrius ad solitos ritus posse applicari. Nunc verò concipiatur quantum esse debeat tunica muscularis momentum, si, hujusce *sensationis* habitâ ratione, opportunis reficiamur dapibus. Nonstræ etiam hypothesi succurrit, unoque, ut itâ dicam, animo famulatur varia memoratorum suprà liquorum indoles. Horum nonnulli vellicare tantummodò, irritare ac dividere jubentur; irritata demulcent alii, divisa iterùm emolliunt, vialque expediunt ac lubricant. Bilis utraque, cystica præsertim, priori partæ fungitur. Ista nempè, quæ, ex Boerhaavio, *acerrimus est humorum attenuat fibras morrices stimulat appetitum excitat, insertionem sui ductâs quandoque sanis in hominibus saltâ in ventriculi fundum*. Nilis autem quâ de causâ ciet appetitum? Certè quia descriptis gaudet dotibus, secretaque optimè fuit, & exquisitè præparata. Quæcunque de isto probantur humore, de cæteris quoque digestionem adjuvantibus comprobari credantur. Uno scilicet rectè elaborato, omnes & singulos, dum stat in homine sanitas, debito perfectionis gradu donari lex est. Cum famis igitur ad mensam nos accedere suadet, tùm optimam adesse organorum dispositionem pronuntiare non dubitemus.

APPETITUS si mechanismo simili excitetur, quo perficiatur digestio-
nis opus, ex præsentia illius, prospera de altero prævideri posse ma-
nifestum est. Quid enim digestionis nomine intelligi volumus? Eam sanè mu-
tationem quam perperci coguntur alimenta, donec in chylum prorsus evaserint.
Totum hoc in stomacho peragitur; scopusque omnis in istis versatur duobus.
1°. Contusorum jam dentibus ciborum partes teri rursus, à se invicem sepa-
rari, & quantum fieri potest, comminui debent. 2°. Illas emolliiri deindè,
intimius penetrari, ac sensum ex solidiori mole ad fluidum quoddam accedere,
quasi iustus est & assiduus labor. Quod primum, id ventriculus ipsemet præ-
tat. Alterum, ut probavimus, non unius liquidi beneficio contingit. Sed utrum-
que necessariò obtineri quis neget, si cuncta occurrant, quæ ad utrumque
conferunt? Rem porrò ita se habere certius evincunt eadem famis & digestio-
nis phænomena. Illà namque cum afficimur, tunc nerveas partes ac musculares
fibras irritari quodammodo constat ex dictis. Hinc iisdem alacrioribus factis,
mox assumenda validius comprimentur. Hinc, vis & potentia major quæ figu-
ram illorum brevi tempore immutatur est. At, undenam vellicationis ille sen-
sus, qui stomachum constringi velit? Certè, ab humore gastrico, & à cæteris
quoque, imprimitur. Nonnè insuper liquores illos spiritibus, & dicatis unicui-
que principis abundè dotatos esse sensus ille significat? Fatendum igitur, si-
mili planè mechanismo, in sensatione famis ac in digestionum operibus, cuncta
regi atque gubernari; perfectioremque indè prælagiri debere alimentorum præ-
parationem.

V.

SENSATIONES experiri mechanicum est, ideòque omnes experiuntur.
Illis moderatè prudenterque indulgere pauci fortè consueverunt. Iisdem,
quod efflagitant, & quando appetunt, non adeò faciliè negatur. Ecquid autem
recularem *Naturam sequi ducem*, cum sit ipsi *nimum omne inimicum*? Hæc
persentitur ipsius lex de fame, ut, ista cum adsit, victus petatur. Huicce legi
Medicina consentit; nos, utrique. Nulla ergò statuitur hora? Nulla equidem.
Quid enim horæ, aut temporibus cum desiderio ciborum commune est? Nùm
desiderium istud, auribus noto quodam sono percussus debet exurgere, aut
ventriculus ad solem componi? Eadem proindè tardiori aut promptiori stoma-
cho præscriberentur, valido, & imbecilliori? Verùm, norma institui potest, quam
amet natura, à quâ etiam, in posterum, non nisi invita divertatur. Imò, si fa-
mes expectetur, eaque sola victum imperet, timendum est nè copiosiori-
bus alimentis eam explere quasi necesse sit, & indè ventriculus obruatur.
Respond. 1°. dubium videri, utrùm illa plus habeat utilitatis quam incommo-
di norma, à quâ, etiam coacti, sine periculo non descectamus. Hoc equidem
quotidiè observatur in pluribus, qui si tardiùs paulò mensæ accumbant, vel
serè exanimantur, vel plus æquo assument, & pravam tùm sibi procreant di-
gestionem. Respond. 2°. famem, quam desideramus, voracitatem non esse,
nec proindè insidiosam. Gravioribus hisce momentis, nùm levius quoddam
addere liceat, & planè non insulsum. Scilicet appetitùs beneficio, meliùs de-
gustantur dapes, & palato magis arrident; secundum vulgatissimum illud, *op-
timum ciborum condimentum, fames*. Eadem est igitur, & rationis & voluptatis
causa; itaque in gratiam utriusque concludamus.

Ergò, fami potius quàm temporibus, in assumendo victu, parendum.

Proponebat Parisiis LUDOVICUS-PETRUS-FELIX-RENATUS
LE THIEULLIER, Parisinus, saluberrimæ Facultatis Medicinæ
Parisiensis Baccalaureus, A. R. S. H. 1751, A SEXTA AD MERIDIEM.

Typis QUILLAU, Universitatis & Facultatis Medicinæ Typographi, 1751.